

	Sier Piero Bragadin, fo provedador sora le camere, qu. sier Andrea	79.109
170*	Sier Antonio Trun, fo di Pregadi, qu. sier Andrea	44.145
†	Sier Andrea Justinian, fo provedador al Sal, qu. sier Unfrè,	109. 77
†	Sier Marco Antonio di Prioli, fo patron a l'Arsenal, qu. sier Alvise	121. 62
	Sier Benedeto Valier, fo di Pregadi, qu. sier Antonio	102. 85
	Sier Piero Mocenigo, fo provedador sora la Sanità, di sier Lunardo, fo dil Serenissimo	81.105
†	Sier Hironimo Marzello qu. sier Antonio, qu. sier Giacomo da san Tomà .	112.72
	Sier Hironimo Malipiero, fo provedador sora la Camera d'imprestidi, qu. sier Giacomo	74.112
	Sier Marco da Molin, fo provedador sora le camere, qu. sier Francesco .	65.122
	Sier Zuan Malipiero, fo provedador a le Biave, qu. sier Hironimo	100. 87
	Sier Carlo Morexini, qu. sier Batista .	67.124
	Sier Baldissera Contarini, fo a le Raxon vechie, qu. sier Francesco	82.102
†	Sier Piero Trivixan, el provedador sora el colimo de Damasco, di sier Domenego cavalier, procurator . . .	118. 68
	Sier Marco Antonio Grimani di sier Francesco	69.121
	Sier Hironimo Querini, fo patron a l'Arsenal, qu. sier Piero	97. 90
	Sier Alvise di Prioli, fo provedador al Sal, qu. sier Francesco	71.110
	Sier Piero Michiel, fo capitano di le galie di Barbaria, qu. sier Piero .	98. 95
	Sier Andrea Arimondo, fo consolo a Damasco, qu. sier Alvise	63.126
	Sier Benedeto di Prioli, fo di Pregadi, qu. sier Francesco, qu. sier Zuane procurator	70.113
	Sier Ferigo Vendramin, fo di Pregadi, qu. sier Lunardo	74.113
	Sier Marco Antonio Foscari, fo patron a le Biave, qu. sier Andrea . . .	52.136
	Sier Francesco Erizo, fo di Pregadi, qu. sier Filippo	64.126
	Sier Francesco Morexini, fo patron a Baruto, qu. sier Antonio	67.119
*	Sier Michiel Morexini, fo di Pregadi, qu. sier Piero	103. 82

Fo scritto ai rectori di Brexa, che lo illustrissimo monsignor di Bonivet, armiragio di Franza, per lettere dil re Christianissimo, ha fato richieder che 'l voria che le biave di la possession sua di Cazabella non pagasse dazio, siccome non pagava lo illustrissimo signor conte di Pitiano, dil qual era prima; per tanto avisino quello si consuetava di far.

Fo scritto a li rectori di Bergamo zercha l'interditto di quella città, a istanzia di Lodovico di Passi; per tanto debano far etc.

Fo scritto a sier Justo Guoro provedador di Ampho, in risposta di soe di 21, quanto li ha comunicato il conte Sebastian di Lodron che vol continuar in la sua bona disposition verso la Signoria nostra, per il che debbi laudarlo e dirli voglii perseverar come sempre è stati li soi precessori, sichè si stagi in quiete a quelli confini.

Fo scritto al Luogotenente di la Patria di Friul, sier Francesco Donado el cavalier, come havemo auto risposta dal rezimento de Ispruch zercha la differentia di Campo Molle et Rivignan, e di mandar soi comessarii sopra loco; per tanto *etiam* lui quando vegnirano mandi il suo vicario, quali vedino tal differentia.

A dì 4. Fo san Francesco. La matina non fo alcuna letera. Vene in Colegio Pietro Rames consolo di cathalani, et apresetò una letera di la Cesarea Maestà zercha il consolo di qui e si observi le consuetudine, *aliter etiam* lui inovarà a li nostri consoli sono sotto il suo regno. Et li fo risposto che si consejeria con li Savii, poi se li daria risposta.

Vene l'orator dil re Christianissimo, domino Francesco Rosso per cosse particular, perchè non negotia ditto orator di qui cosse publice.

Da poi disnar, fo Gran Consejo. Fato Consier di Canaregio, in luogo di sier Alvise Grimani ha refutado per intrar nel Consejo di X, sier Batista Erizo, fo Cao dil Consejo di X, qu. sier Stefano. Do Censori in luogo di sier Francesco Foscari, si ha excusado per la età, et sier Piero Capello è intrado savio dil Consejo, et rimaseno sier Zuan Venier, fo Cao dil Consejo di X, qu. sier Francesco, et sier Nicolò Dolfin, fo capitano a Bergamo, qu. sier Marco. Governador de l'intrade, in luogo di sier Carlo Contarini refudò per poter esser ballotato Consier, et niun passoe. Dil Consejo di X, in luogo di sier Andrea Trivixan el cavalier, è intrado Savio dil Consejo, sier Zuan Miani, fo consier, qu. sier Giacomo; e altre vose tutte passoe.

Fo scritto a li rectori di Verona, come havemo auto lettere dil rezimento di Ispruch per la Cesarea